



Amcan 2

**Lleihau tlodi a mynd i'r afael ag
anghydraddoldeb sy'n gysylltiedig ag
amddifadedd**

Yn gyffredinol mae Bro Morgannwg yn gymharol gyfoethog ac mae llawer o drigolion yn mwynhau safon uchel o fyw mewn amgylchedd diogel a deniadol. Fodd bynnag, ceir rhannau o Fro Morgannwg sy'n profi anfantais sylweddol, gan gynnwys diweithdra uchel, disgwyliad oes iach is, cyrhaeddiad addysgol isel a lefelau uwch o drosedd. Mae'r BGC wedi cydnabod er mwyn gwella llesiant lleol a chyrraedd nodau llesiant cenedlaethol Cymru ei bod yn bwysig lleihau yr anghydraddoldebau sy'n bodoli rhwng ein cymunedau.

“

Mae datblygu cynaliadwy ...yn fater o sicrhau cymdeithas gref, iach a chyfiawn a byw ar yr un pryd o fewn terfynau amgylcheddol ...[mae'n] agor cyfleoedd i leihau difrod amgylcheddol a hybu cyfiawnder cymdeithasol a chau'r bwlch anghydraddoldeb iechyd

Comisiwn Datblygu Cynaliadwy

”

Ein Bro

Pan gaiff y dystiolaeth a geir yn Asesiad Llesiant Bro Morgannwg ei hystyried ar lefel yr awdurdod lleol, gellid awgrymu fod gan Fro Morgannwg a'i thrigolion lefelau da o lesiant cymdeithasol, economaidd, diwylliannol ac amgylcheddol. Yn gyffredinol mae Bro Morgannwg yn gymharol gyfoethog ac mae llawer o drigolion yn mwynhau safon uchel o fyw mewn amgylchedd ddiogel a deniadol. Fodd bynnag, ceir rhannau o Fro Morgannwg sy'n profi anfantais sylweddol, gan gynnwys diweithdra uchel, disgwyliad oes iach is, cyrhaeddiad addysgol isel a lefelau uwch o drosedd. Ceir ardaloedd mwyaf difreintiedig Bro Morgannwg yn ardal ddwyreiniol y Barri ac fe geir pocedi o amddifadedd hefyd mewn rhannau o Benarth a Sain Tathan. Mae'n bwysig cofio na fydd pob aelwyd yn yr ardaloedd yna ym profi amddifadedd ac nad yn yr ardaloedd yma'n unig y bydd pobl sy'n profi amddifadedd yn byw.

Un o'r prif benawdau i godi o'r Asesiad Llesiant yw'r gwahaniaethau sylweddol mewn disgwyliad oes rhwng ardaloedd o'r Fro, yn enwedig disgwyliad oes iachus i fenywod lle perthyn i'r Fro y gwahaniaeth mwyaf rhwng ardaloedd lleiaf a mwyaf difreintiedig yng Nghymru. Mae ardaloedd sydd â'r disgwyliad oes iach isaf yn cyfateb i'r ardaloedd mwyaf difreintiedig yn ôl MALIC 2014 ac i'w canfod yn bennaf o fewn rhan ddwyreiniol y Barri megis Gibbonsdown, Castleland a Buttrills. Mae i'r ardaloedd hyn hefyd lefelau uwch o ordewdra, lefelau ysmegu uwch a chyfraddau uwch o ran marwolaethau yn gysylltiedig ag alcohol.

Caiff disgwyliad oes a disgwyliad oes iach eu heffeithio gan ystod eang o ffactorau a dangosodd yr asesiad fod anghydraddoldebau yn bodoli yn y Fro, nid dim ond parthed patrymau byw iach ond ar draws ystod eang o ddangosyddion sy'n cael effaith ar lesiant unigolyn. Ceir ardaloedd clir yn nwyrain y Barri lle mae cyrhaeddiad addysgol yn is a gellir cysylltu hyn â lefelau cyflogaeth is a chanolrif incwm aelwyd sylweddol is yn yr ardaloedd yma. Gellir canfod y canrannau uchaf o bobl sy'n hawlio LCG yn y Barri ac yn Sain Tathan yng ngorllewin y Fro. Ledled Cymru mae 17% o'r boblogaeth yn profi amddifadedd incwm o'i chymharu â 14% yn y Fro. Fodd bynnag ar lefel Ardal Gynnyrch Ehangach Haen Is (ACEHI), Dinas Powys 1 sydd â'r ganran isaf o amddifadedd incwm (4%), o'i gymharu â Gibbonsdown 2 sydd ar uchaf sef 41% - dros ddwbl ffigwr Cymru gyfan, gan ddangos yn glir yr anghydraddoldebau sy'n bodoli ym Mro Morgannwg.

Mae i'r Fro ganran is na'r cyfartaledd o aelwydydd gorlawn, fodd bynnag mae ardaloedd yn nwyrain y Barri yn dangos y cyfraddau uchaf o aelwydydd gorlawn ac sy'n fwy na dwbl cyfartaledd Cymru mewn

rhaf ACEHI. Gall ein hamgylchedd naturiol ac adeiledig chwarae rhan enfawr yn cyfrannu at ein lesiant a dengys ein dystiolaeth ni fod llawer o ardaloedd difreintiedig y Fro ag amgylchedd o ansawdd wael a llai o fynediad at fannau gwyrddion. Ar ben hyn, mae sgoriau allyriadau awyr lawer yn uwch yn y de ac yn nwyrain y sir, gan gynnwys y Barri, lle mae dwysedd poblogaeth, lefelau traffig ac agosrwydd at ddiwydiant trwm yn uwch nag yn ardaloedd mwy gwledig y sir. Gall lefelau uwch o allyriadau o fewn ardaloedd difreintiedig waethygu lefelau uchel o anghydraddoldebau iechyd sy'n bodoli eisoes drwy gynyddu lefelau afiechydon anadlu a salwch eraill.

Ceir hefyd gyfraddau trosedd uwch mewn ardaloedd mwy difreintiedig gyda 7 ACEHI (Ardaloedd Cynnyrch Ehangach Haen Is) ym mro Morgannwg ymhlith y 10% o'r ADEHI mwyaf difreintiedig yng Nghymru yn ôl MALIC Parth Diogelwch Cymunedol 2014 – a'r cwbl yn y Barri. Mae'r rheiny sy'n byw yn yr ardaloedd mwyaf difreintiedig yn llai tebygol o wirfoddoli ac mae'r niferoedd sy'n pleidleisio ar ei isaf yn yr ardaloedd hyn.

Mae canfyddiadau'r Asesiad Llesiant yn dangos yr ystod eang o ffactorau sy'n cyfrannu at greu anghydraddoldebau sy'n bodoli yn y Fro a'r ffactorau cymhleth a chysylltiedig sydd oll yn cyfrannu at lesiant gwaeth mewn ardaloedd difreintiedig. Does dim datrysiadau hawdd i leihau'r gwahaniaethau sy'n bodoli ac mae'n bwysig ein bod ni'n deall yn well yr amrywiol ffactorau sy'n cyfrannu at anghydraddoldebau a'n bod yn mabwysiadu ymagwedd holistaidd at wella lesiant o fewn ein cymunedau mwy difreintiedig i greu Bro Morgannwg gydradd.

Mae'n hanfodol fod partneriaid yn cydweithio i fynd i'r afael â'r materion cymhleth sy'n ymwneud â thlodi ac amddifadedd. Cydnabu ein hunanasesiad fod ystod o weithgareddau yn digwydd sydd yn canolbwyntio ar gymunedau amddifad; canfuwyd fodd bynnag fod diffyg trosolwg strategol wrth i fynd i'r afael ag anghydraddoldeb beidio bod o angenrheidrwydd yn ysgogydd penderfyniadau. Rhoddwyd sgoriau isel hefyd am sut y byddwn yn monitro effaith ein gweithgareddau ar fframweithiau perfformiad gan ganolbwyntio'n bennaf ar fonitro perfformiadau gwasanaethau unigol yn hytrach na chanlyniadau ar gyfer y gymuned leol. Mae'n eglur o'n dystiolaeth trwy leihau tlodi a mynd i'r afael ag anghydraddoldebau yn ymwneud ag amddifadedd gall y BGC wireddu ystod o fuddion ac sydd yn faes lle gall gweithredu ar y cyd gan bartneriaid wneud gwahaniaeth cadarnhaol

Ein Dyfodol

Rydym yn cydnabod nad oes atebion hawdd i'w cael ond drwy gydweithio gall y BGC gryfhau gwydnwch ardaloedd difreintiedig ac atal effeithiau adfydus tloedi. Er mwyn gwneud hynny rhaid i ni ddeall ein cymunedau yn well drwy gronni a chryfhau ein sail tystiolaeth drwy gynnwys pobl sy'n byw yn y cymunedau hyn. Trwy gydnabod yr asedau sy'n bodoli yn yr ardaloedd hyn gallwn adeiladu arnynt a chanfod datrysiadau i leihau tloedi ac amddifadedd.

Gellir priodoli'r bwlch anghyfartaledd sydd yn bodoli ar hyn o bryd parthed disgwyliad oes iach yn y Fro i'r lleihad yn y nifer o flynyddoedd o iechyd da yn yr ardaloedd ACEHI mwyaf difreintiedig a chynnydd yn nifer y blynyddoedd o iechyd da yn yr ardaloedd ACEHI lleiaf difreintiedig. Rhaid i ni weithio i sicrhau fod yr holl breswylwyr yn cael budd o'n gweithredu ar y cyd a'n bod yn cynyddu nifer blynyddoedd iechyd da i breswylwyr yn yr ardaloedd mwyaf difreintiedig heb amharu ar y rheiny yn yr ardaloedd lleiaf difreintiedig. Parthed anghydraddoldebau iechyd fe wyddom fod y rheiny sy'n byw mewn ardaloedd difreintiedig yn fwy tebygol o ysmegu, o fod dros bwysau neu yn ordew a chymryd llai o ran mewn gweithgaredd corfforol a fydd oll yn cael effaith ar ddisgwyliad oes. Mae rhagfynegiadau Arsyllfa Iechyd Cyhoeddus Cymru wedi amcanu erbyn 2025 y bydd 81.7% o ddynion 65+ yng Nghaerdydd a'r Fro yn bwyta llai na 5 dogn o ffrwythau a llysiau oni bai bod modd newid y drefn sydd ohoni. Rhaid i'r BGC gydweithio i newid yr ystadegyn hwn a sicrhau fod peryglon ddaw yn sgil tueddiadau ar lefel byd eang yn cael eu rheoli tra'n creu cyfleoedd. Mae nifer o beryglon ynghlwm ag amgylchedd fwyd Cymru gan gynnwys newidiadau yn sgil tywydd i gynhyrchu a masnachu rhyngwladol ar fwyd, peryglon a chyfleoedd yn ymwneud a newid hinsawdd hir dymor o ran cynhyrchu bwyd ar lefel byd eang a chan effaith Brexit ar fewnforion ac allforion. Mae'n bwysig nad yw'r tueddiadau hyn yn cael effaith adfydus ar allu'r rhai hynny sy'n byw mewn ardaloedd difreintiedig i brynu bwyd ffres gydag Adroddiad Marmot yn tanlinellu'r modd y mae 'incwm isel ac ardaloedd difreintiedig ill dau yn rhwystr i brynu bwydydd ffres neu anghyfarwydd, tra mai'r aelwydydd incwm isel sy'n cael eu taro galetaf gan newidiadau ym mhrys bwydydd.'

Mae'r BGC yn cydnabod fod rhai ffactorau y tu hwnt i'n rheolaeth a thrwy ein ymgyrch ymgysylltu Let's Talk bod y mwyafrif o drigolion yn teimlo y byddai eu llesiant economaidd yn lleihau yn y dyfodol agos, gan briodoli hyn i ffactorau yn ymwneud ag amodau cyflogaeth, cyflogau, diwygiadau lles gan gynnwys cyflwyno Credyd Cynhwysol, ymbellhau o newidiadau technolegol a Brexit.

Yr ardaloedd yn y Fro a brofodd yr incwm aelwyd isaf fel a nodwyd yn gynharach yw'r un rhai hefyd sydd â'r cyfraddau cyflogaeth isaf, a'r rhai sydd â'r lefel isaf o ran cyrhaeddiad addysgol. Er bod cyrhaeddiad addysgol disgyblion yn ardaloedd mwy difreintiedig y Fro wedi cynyddu mewn blynyddoedd diweddar, nid yw hyn wedi bod ar yr un gyfradd â'u cyfoedion a rhaid i ni unwaith eto ymdrechu i newid y duedd hon yn y dyfodol.

Yr un ardaloedd ym Mro Morgannwg sy'n profi normau dwfn o gyrhaeddiad addysgol is, cyfraddau cyflogaeth is ac incymau is. Nid yn unig yw hyn yn cael effaith ar y boblogaeth bresennol ond gall dylanwad ffactorau economaidd-gymdeithasol yn y blynyddoedd cynnar fod yn allweddol wrth bennu cyfleoedd bywyd i genedlaethau'n y dyfodol. Nododd astudiaeth gan Sefydliad Polisi Cyhoeddus Cymru ar yr hyn sy'n gweithio i leihau diffyg gweithio sy'n pontio'r cenedlaethau, ystod o ffactorau sy'n cael effaith ar gyflogaeth. Mae rhain yn cynnwys ffactorau ac amgylchiadau unigol, gan gynnwys iechyd, gwybodaeth cyrchu swyddi, sgiliau a chymwysterau; ffactorau lleol cyd-destunol – gan gynnwys swm ac ansawdd cyfleoedd gwaith lleol, ffactorau diwylliannol lleol a gweithrediadau a normau'r farchnad lafur; a ffactorau ar lefel macro – gan gynnwys cyflwr yr economi facro, y drefn les a pholisi yn y farchnad lafur a pharthau cysylltiedig. Tra bod y BGC yn cydnabod fod nifer o ffactorau y tu hwnt i'n rheolaeth uniongyrchol rhaid i ni gydweithio a chydgyssylltu'n gweithgareddau lle gallwn wneud gwahaniaeth ac mae ein camau gweithredu yn adlewyrchu hyn. Er enghraifft, bydd mwy o gyllido hyblyg parthed rhaglenni ymladd tloedi Llywodraeth Cymru yn ein galluogi ni i weithio'n fwy effeithiol ar gyfer canlyniadau gwell i'r rhai hynny sy'n byw mewn tloedi ac amddifadedd ac adeiladu ar y waddol a grëwyd gan y rhaglen Cymunedau'n Gyntaf.

Wrth ystyried y newid arfaethedig mewn swyddi fesul diwydiant yn 2020 o'i gymharu â 2014, rhagwelir y bydd y colledion mwyaf yn y Fro mewn gweinyddiaeth gyhoeddus ac amddiffyn, a gweithgynhyrchu diwydiannau plastigau. Disgwylir y cynnydd mwyaf mewn swyddi yn y diwydiannau gofal preswyl, tai bwyta a gwasanaethau bwydydd mudol. Mae'r BGC wedi tanlinellu y caiff y diwydiannau hyn yn aml eu cysylltu â gwaith rhan amser, tâl isel a allai fod yn destun pryder o ystyried pwysigrwydd sicrhau cyflogaeth o ansawdd dda fel y tanlinellwyd yn gynharach. Un o'n prif heriau yw helpu ein preswylwyr nid yn unig i ennill cyflogaeth ond i gynnal y cyflogaeth hwnnw sy'n arwain at gynnydd yn-y-gwaith gan helpu i sicrhau dyfodol gwell.

Mae ein tystiolaeth wedi dangos i'r rhai hynny sydd yn ddi-waith, fod gan y Fro ganran uwch o bobl sydd am gael swydd o'i gymharu â chyfartaledd Cymru a bod hyn yn gyfle sydd yn rhaid i'r BGC harneisio sicrhau fod cyfleoedd swyddi yn bodoli a bod y rhwystrau i weithio yn cael eu diddymu lle gallwn gael effaith, er enghraifft parthed trafndiaeth, gofal plant a'r sgiliau a'r hyder sydd eu hangen.

Mae'r Prifddinas-ranbarth yn cynnig cyfleoedd arwyddocaol i wella llesiant economaidd y rhanbarth ac mae'r BGC yn awyddus i weithio law yn llaw â'r fargen ddinesig i sicrhau y gwiredir buddion lleol i'r holl breswylwyr ledled y Fro gan gynnwys ein hardaloedd mwyaf difreintiedig. Mae bargaen y Ddinas-Ranbarth yn cynnwys projectau a fydd yn ceisio gwella'r seilwaith drafnidiaeth gan gynnwys trafndiaeth gyhoeddus. Mae ein Cynllun Llesiant yn cynnwys camau gweithredu i hyrwyddo'r defnydd ar drafnidiaeth gyhoeddus mewn ymateb i'n hasesiadau yn nodi bygythiadau ddaw o bris tanwydd yn cynyddu a trychinebau naturiol yn deillio o newid yn yr hinsawdd. Gwyddom ar hyn o bryd fod y

gyfradd uchaf o breswylwyr yn cymudo â char, yn enwedig mewn rhannau o'r Fro sy'n fwy gwledig eu natur ac mae pryderon wedi eu codi dros amodau ffyrdd gwael a'r dirywiad yn ansawdd yr awyr.

Fel y nodwyd, byw mewn tlodi ac amddifadedd yw achos ac effaith ystod o ffactorau i lesiant unigolion a chymuned a gall hefyd arwain at gynyddu'r galw ar wasanaethau cyhoeddus ar adeg pan fo'r esgid yn gwasgu. Mae hyn o'i gyplysu ag amcangyfrifon poblogaeth ar gyfer Bro Morgannwg sy'n dangos poblogaeth sy'n heneiddio yn dangos yr angen i leihau anghydraddoldebau a lleihau'r pwysau ar wasanaetha

Trwy gyflawni ein camau gweithredu a chyrraedd ein hamcan ein gweledigaeth tymor hir ar gyfer y Fro yw;



Amcan 2: Ein Gweledigaeth

Yr ydym wedi gweithio gyda chymunedau lleol i greu Bro Morgannwg sy'n fwy cyfartal ac i dorri patrymau rhyng-genedlaethau o dlodi. Yr ydym wedi adeiladau ar asedau cymunedol, gan gryfhau gwytnwch ein cymunedau a rhoi grym i bobl oresgyn y patrymau amddifadedd sydd wedi gwreiddio'n ddwfn mewn rhai ardaloedd. Mae disgwyliad einioes iach mewn ardaloedd difreintiedig wedi cynyddu, a chaeodd y bwlch rhwng y rhai ac ardaloedd eraill yn y Fro. Mae siawns rhywun o fyw bywyd iach yr un fath lle bynnag mae'n byw a phwy bynnag ydyw. Mae anghydraddoldebau iechyd mewn ardaloedd difreintiedig yn gostwng wrth i ni weithio gyda'r gymuned i leihau lefelau gordewdra a smygu a chynyddu bwyta'n iach a gweithgaredd corfforol. Mae lefelau troseddu wedi gostwng a chaiff pob plentyn gychwyn da mewn bywyd. Mae amgylchedd naturiol ac adeiledig wedi gwella a gwireddir manteision llesiant treulio amser yn yr awyr agored a gwell safonau tai ledled y Fro. Mae cyrhaeddiad addysgol wedi gwella, ac y mae gan bobl y sgiliau i ennill a dod ymlaen mewn gwaith fel ffordd allan o dlodi. Gweithiodd y BGC gyda phartneriaid ar draws y rhanbarth i sicrhau bod Dinas-Ranbarth y Brifddinas wedi creu manteision i holl gymunedau'r Fro.



Ein Camau

Wedi ei amlinellu isod y mae'r camau gweithredu y byddwn yn eu cyflawni wrth gyrraedd dyr amcan hwn ac mae'n dangos y camau cyntaf y byddwn yn eu cymryd rhwng 2018 i 2023 i wireddu ein gweledigaeth tymor hir ar gyfer dyfodol Bro Morgannwg.

Beth fyddwn ni'n dechrau ei wneud?

Mynd i'r afael ag ymgysylltu, ymchwil a dadansoddi pellach ar anghydraddoldebau rhwng ein cymunedau mwyaf a lleiaf difreintiedig er mwyn llywio'r ffordd y gallwn weithio'n fwy effeithiol i fynd i'r afael â'r heriau a lleihau anghydraddoldebau.

Gweithio mewn partneriaeth ag asiantaethau eraill, er enghraifft banciau bwyd, gwasanaethau cynghori ar ddyled a phrojectau eraill sydd eisoes yn gweithio yn y gymuned, er mwyn archwilio sut allwn gyrraedd y rheiny sy'n byw mewn tlodi yn well a gwella mynediad at wasanaethau, gwybodaeth a chymorth.

Cydweithio i hyrwyddo negeseuon ymddygiad iach, cydnabod yr angen i addasu ein hymagweddau i gyrraedd grwpiau poblogaethau gwahanol gan gynnwys pobl hŷn, pobl ifanc a'r rhai hynny mewn ardaloedd difreintiedig.

Gweithio gyda thrigolion lleol i adnabod a chyflwyno prosiect amgylcheddol, gan gydnabod y cyfleoedd i gyfranogi cymunedol a'r cysylltiadau rhwng yr amgylchedd, gweithgaredd corfforol a llesiant.

Beth fydd yn cymryd tipyn mwy o amser i ni ei gyflawni?

Adeiladu ar y seiliau a grëwyd gan Cymunedau yn Gyntaf a gwaith a wnaed gan raglenni fel Dechrau'n Deg, Teuluoedd yn Gyntaf a Chefnogi pobl i ddatblygu agwedd fwy cydlynol i fynd i'r afael a thlodi ledled y Fro.

Gweithio ynghyd fel cyflogwyr lleol a darparwyr addysg a hyfforddiant i ddatblygu cyfleoedd newydd am brofiad gwaith, lleoliadau, prentisiaethau a datblygu sgiliau sydd yn gysylltiedig â chyfleoedd yn y dyfodol am waith ar y cyd â Dinas-Ranbarth y Brifddinas.

Datblygu agwedd gyfun tuag at fynd i'r afael â thlodi tanwydd gan gydnabod arbenigedd a chyfraniad Landlordiaid Cymdeithasol Cofrestredig tuag at gyrraedd y nod hwn.

Ystyried y modd y gallwn wella'r amgylchedd i gefnogi ac annog chwarae yn yr awyr agored a theithio llesol yn rhai o'n hardaloedd mwyaf difreintiedig trwy gyfrwng cynlluniau gwella trafndiaeth a chae strydoedd i hwyluso chwarae.

Gweithio gyda Phartneriaeth Fwyd y Fro i fynd i'r afael a phroblemau yn ymwneud ag hygrychedd a fforddiadwyedd bwyd a sicrhau fod y sgiliau a'r adnoddau gan bobl i ddod dros tlodi bwyd a gwneud dewisiadau bwyd mwy iach.

Sut beth fydd llwyddiant yn 2023?

Gwell dealltwriaeth o anghenion y sawl sy'n byw yn ein cymunedau mwyaf difreintiedig a sut y gall partneriaid weithio ynghyd i leihau anghydraddoldeb addysg, iechyd ac eraill.

Cefnogir pobl i mewn i waith a gallant gyrchu hyfforddiant a phrentisiaethau.

Mae hyfforddiant a datblygu sgiliau yn gysylltiedig â marchnadoedd swyddi at y cyfodol yn y rhanbarth.

Mae BGC yn gweithio gyda Dinas-Ranbarth y Brifddinas ac yn gweithio gyda hi i ddylanwadu er mwyn sicrhau y gwneir y mwyaf o gyfleoedd i'r Fro.

Gwell uno ar draws gwasanaethau, prosiectau a mentrau i fynd i'r afael â thlodi, gan wneud y defnydd gorau o adnoddau ac arbenigedd er mwyn cael y deilliannau gorau.

Mae cymunedau yn fwy diogel, yn gryfach ac yn wytnach.

Gostyngiad mewn tlodi tanwydd.

Gwelliannau mewn disgwyliad einioes iach yn ein hardaloedd mwyaf difreintiedig ac ar draws ystod o ddangosyddion iechyd.

Mae gan drigolion well dealltwriaeth o'r cyfraniad y gall yr amgylchedd wneud i'w llesiant ac y mae partneriaid yn gweithio gyda'i gilydd i amddiffyn a gwella'r amgylchedd.

Prosiect amgylcheddol cynaliadwy sydd yn dod â llawer o fanteision llesiant i'r gymuned leol (e.e. iechyd, sgiliau newydd, hyder) ac a all fod yn sail o wybodaeth i waith mewn ardaloedd eraill.

Ein Cyfraniad

Dengys y canlynol rai yn unig o'r ffyrdd y byddwn yn cyfrannu at yr amcanion llesiant cenedlaethol, a sut y byddwn yn rhoi'r pum modd o weithio ar waith a thrwy gyflawni'r amcan hwn y byddwn hefyd yn cyfrannu at wireddu ein hamcanion llesiant eraill.

Trwy leihau tlodi a mynd i'r afael ag anghydraddoldeb cysylltiedig ag amddifadedd, byddwn hefyd yn cyfrannu at gyrraedd ein hamcanion eraill



Trwy weithio yn gynaliadwy i gyflawni'r amcan hwn...



Mabwysiadu agwedd **hir-dymor** ar gyfer ein hymagwedd at gydnabod yr angen i fynd i'r afael a thlodi sy'n pontio'r cenedlaethau ac y bydd yn cymryd amser i rai o'n gweithgareddau ddwyn ffrwyth e.e. ar ddisgwyliad oes iach



Dysgu gan ymchwil cenedlaethol a rhyngwladol ac o brofiad yn lleol i ddatblygu ymagwedd fwy **ataliol** i drechu tlodi ac anghydraddoldebau



Cydweithio i **integreiddio** ac alinio gwasanaethau a chymryd ymagwedd fwy strategol at drechu tlodi e.e. drwy alinio rhaglenni atal tlodi Llywodraeth Cymru yn well.



Mae **cydweithio** ag ystod eang o sefydliadau yn hanfodol os ydym i lawn ddeall materion cymhleth yn ein cymunedau mwy difreintiedig a lleihau tlodi.



Sicrhau fod y rhai hynny sy'n byw yn ein hardaloedd mwy difreintiedig wedi eu hymrymuso trwy gyfranogiad ac yn **ywmneud** o ran ein helpu i ddeall ein cymunedau yn well a siapio ein gwasanaethau lleol.

...fe wnawn y mwyaf o'n cyfraniad i'r nodau llesiant cenedlaethol...

